



Služba za društvene djelatnosti

Broj: 07-05-sl./13
Ilijaš, 18.11.2013.godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE
SA 12.SJEDNICE OPĆINSKOG VIJEĆA ILIJAŠ
održane 31.10.2013.godine**

Ilijaš, novembar 2013.godine

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail o_ilijas@bih.net.ba



Broj certifikata:CR14625Q

SEAD ŠEHIĆ – vijećnik SBB-a

Inicijativa:

" Vijeće roditelja OŠ "Podlugovi" obratili su mi se da pokrenem inicijativu za popločavanje pješačke staze sa gornje strane školskog dvorišta. Naime, radi se o tome da djeca koja dolaze sa prostora Sovrla i ulaze sa gornje strane školskog dvorišta gdje je put blatnjav i trošan. Prilikom kiša i snijega djeca gaze po vodi i blatu, mokra im je obuća i noge i tako provode čitan dan u školi. Roditelji su se potrudili da dobiju predračun koliko bi to koštalo i kažu da bi to okvirno košta cca 2000,00 KM.

Stoga vas molim radi interesa i zdravlja djece da se iznađu ova sredstva."

Odgovor:

Podržavamo Vašu inicijativu. Projekat je u fazi realizacije.

MUHAMED HANDŽIĆ – vijećnik BPS-a

Inicijativa:

"Da se obezbijedi prevoz učenika iz Donje Karaule do škole i obrnuto."

Obrazloženje: Oko deset osnovaca iz Donje Karaule ide u školu u Semizovac zbog prevoza koji im nije obezbjeđen do Ilijaških osnovnih škola. Predsjednik Mjesne zajednice Ilijaš Stari i roditelji učenika više puta su inicirali ovaj problem kod nadležne općinske službe koji nikada nije riješen. S tim u vezi Vas molim da se ovaj problem što prije riješi.

Odgovor:

Podržavamo vašu inicijativu i ista će biti realizirana 15.01.2014.godine.

NIJAZ RASTODER – vijećnik LDS-a

Inicijativa:

"Podnosim inicijativu i predlažem da Općinsko vijeće Ilijaš istu pretvori u zaključak i glasanjem se izjasni o istom:"

Predlažem da menadžment JU "Kulturno-sportski centar i Radio Ilijaš" u saradnji sa općinskom Službom za društvene djelatnosti u roku od 30 dana napravi Pravilnik o kriterijima za korištenje resursa Sportske dvorane u Ilijašu i raspodjeli termina. Cilj izrade ovog Pravilnika je da se obezbijedi neophodan broj termina za trenažni i takmičarski proces, u skladu sa prostornim, organizacionim i tehničkim mogućnostima, klubovima registrovanim na području općine Ilijaš uvažavajući slijedeće prioritete:

- sportski klubovi iz reda dvoranskih sportova
- rang takmičenja
- broj uzrasno-takmičarskih kategorija
- broj članova takmičarskih selekcija
- postignuti uspjesi i rezultati.

Obrazloženje: Broj registrovanih klubova na području općine Ilijaš se konstantno

povećava, tako da je postalo praktično nemoguće izvršiti raspodjelu termina na fer osnovi bez poštivanja određenih kriterija. Donošenjem ovog Pravilnika uvelo bi se znatno više reda u procesu raspodjele termina.

Odgovor:

Podržavamo navedenu inicijativu i ista će biti realizirana u skladu sa donesenim zaključkom Općinskog vijeća Ilijaš.

ALAN ŠERAK – vijećnik SDP-a

Pitanje:

"Postavljam pitanje pomoćnici načelnika za društvene djelatnosti u vezi sa OŠ "Stari Ilijaš", a tiče se informacije o trenutnom stanju osnovne škole, kao i određenim kadrovskim rješenjima."

Odgovor:

Radovi na vanjskom uređenju Osnovne škole u Starom Ilijašu su u završnoj fazi. Tender za nabavku namještaja i opreme za Osnovnu školu u Starom Ilijašu, Tender za izvođenje završnih radova na izgradnji Osnovne škole u Starom Ilijašu provodi Zavod za izgradnju Kantona Sarajevo i isti su u toku.

U prilogu Vam dostavljamo kraću informaciju o stepenu dovršenosti radova na objektu Osnovne škole u Starom Ilijašu koju je sačinio Zavod za izgradnju Kantona Sarajevo koji vrši stručni nadzor nad izvođenjem radova.

Rješenjem broj: 02-05-23029-5/13 od 10.09.2013.godine Vlada Kantona Sarajevo imenovala je vršioce dužnosti predsjednika i članova Školskog odbora Javne ustanove Osnovne škole "Stari Ilijaš" i to:

1. Nihada Čolić, predsjednik – predstavnik ministarstva,
2. Aziz Fazlić, član – predstavnik općine,
3. Ahmed Mustafić, član – predstavnik roditelja,
4. Sanja Zagorac-Jozić, član – predstavnik roditelja,
5. Sabit Kamenjaš, član – predstavnik roditelja,
6. Muamer Gurda, član – predstavnik zaposlenika,
7. Haris Fazlić, član – predstavnik zaposlenika.

DAMIR FILIPOVIĆ – vijećnik SDP-a

Inicijative:

"Pokrećem inicijativu radi zabrinutosti građana MZ Gajevi, da nadležna služba zajedno sa općinskim načelnikom obiđe školu u Gajevima, te da iznađe načina kako da riješi situaciju u navedenoj školi, po pitanju sanitarnog čvora, ograde, grijanja i igrališta ako se može tako nazvati."

Odgovor:

Shodno navedenoj inicijativi ovim putem vas obavještavamo da podržavamo istu i da je Služba za društvene djelatnosti utvrdila činjenično stanje područne škole u Gajevima.

Kad je u pitanju sanitarni čvor u njemu su instalisane WC šolje, a građani insistiraju da se postave čučavci. Škola će napraviti predmjer i predračun neophodnih radova za zamjenu WC šolja i instalisanje čučavaca, a zatim će u saradnji sa općinom i raspoloživim

sredstvima nastojati riješiti ovaj problem.

Ograđivanje škole će biti realizovano u narednoj 2014. godini u saradnji sa školom.

Pitanje grijanja u školi riješeno je instalisanjem dvije nove peći (jedna kupljena prošle godine, jedna tekuće godine), orgijev je na vrijeme nabavljen, 5 tona uglja i 10 metara drva.

Pitanje igrališta će se riješiti uređenjem već postojećeg, nasipanjem humusa i sijanjem trave. Za veća ulaganja prije svega treba riješiti imovinske odnose, nakon čega bi trebalo uraditi projekat i dobiti sve potrebne saglasnosti.

Nakon ovih radnji išlo bi se u realizaciju obezbjeđenja sredstava putem općine Ilijaš ili resornog Ministarstva za obrazovanje, nauku i mlade Kantona Sarajevo, čime bi se stvorili preduslovi za adekvatno rješenje igrališta u Područnoj školi u Gajevima.

Predlažem slijedeći zaključak:

"Da načelnik općine radi transparentnosti rada Općinskog vijeća obezbijedi prijenos sjednica preko opcije web streaming, kako bi se zadovoljili ISO standardi, te isto tako da se uvede na oficijelnu Internet stranicu općine, registar vijećničkih pitanja i inicijativa."

Odgovor:

Navedenu inicijativu za koju se nije glasalo kao zaključak, uputili smo općinskoj Službi za zajedničke poslove. Odgovor navedene službe dostavljamo Vam u prilogu.